

КАНОНЫ БОЖИЕЙ МАТЕРИ НА КАЖДЫЙ ДЕНЬ

Расположенные по гласам и дням седмицы

ГЛАС ТРЕТИЙ

В СУББОТУ	1
В НЕДЕЛЮ	4
В ПОНЕДЕЛЬНИК	6
ВО ВТОРНИК	9
В СРЕДУ	11
В ЧЕТВЕРТОК	14
В ПЯТОК	16

В СУББОТУ¹

Канон Пресвятей Богородице

Песнь 1

Ирмос: Воды древле, манием Божественным, во Едином сонмище совокупивый, и разделивый море израильтеским людем, Сей Бог наш, препрославлен есть: Тому Единому поим, яко прославися.

Припев: Пресвятая Богородице, спаси нас.

Яко Матерь Божию Тя, Духом Божественным, Отца же благоволением явльшуюся, вернии, песньми чистыми венчаим, Пречистая Богоневесто: и целуем Тя пеньми со архангелом, во спасение наше.

От ребр убо Адамовых созидается Ева, древним Богозданием: от утробы же Богородицы явися Христос, Сый Бог наш, вочеловечся непреложно, временен бысть Превечный.

Слава: Иже Евину утробу осуждь в печалех, родити плоды в болезни, во чрево Твое вселися, Дево Чистая, Сый Бог наш, плотию явися паче слова, и праматерний разреши долг.

И ныне: В нечаяния глубину впадше тяготами, прилежно зовем, Богородительнице, к Тебе: Владычице, помози потопляемым делы лукавых прегрешений, Тя бо Единому имама надежду по Бозе.

Песнь 3

Ирмос: Иже от не сущих вся приведый, Словом созидаемая, совершаемая Духом, Вседержителю вышний, в любви Твоей утверди мене.

Тя проявляше жезл Ааронов, без напоения процветший, Богородице Пречистая, без семене рождши воплощагося Бога непременно.

Божественный огонь Тя носящу, яко светильник, Пречистая, провиде пророк Духом, благоухание носящую сущим в мире и жизнь вечную.

Слава: Ко архангелу приступим Гавриилу, радуйся, вещающе Дева песньми:

¹ Т. е. канон следует читать в субботу вечером, под воскресенье. Все каноны читаются вечером указанного дня. Слово «молебный» в названии канона означает, что Устав предполагает его исполнение на молебне.

Тобою бо разрешится осуждения прадедняя клятва.

И ныне: Тя, Пресвятая Богородице, яко стену спасения имуще грешнии спасаемся: не презри, Владычице, и не посрами наша моления.

Песнь 4

Ирмос: Положил еси к нам твердую любовь, Господи, Единородного бо Твоего Сына за ны на смерть дал еси. Темже Ти зовем, благодаряще: слава силе Твоей, Господи.

Гору мысленную, добродетелей сень, Духом древле Аввакум боговидно Тя видев, проповедаше, Пречистая: яко от юга пришедша от Тебе Слово плоть приемша.

Гору Тя велию несекому Даниил Духом виде, не новосекому являя чистоту девства Твоего, Владычице: от Неяже Камень усечется, Христос Слово, лести низлагая идольския.

Слава: Гору Тя Давид чудну и тучну прорече: Единородный бо от Отца Сын в Тя благоволи Чистая, вселитися воплощаемь. Тем Ти: радуйся, духом зовем.

И ныне: Вся благая и теплая заступница сущи грешником и смиренным, Богородительнице Пречистая Владычице, от бед, и скорбей, и грехов спасай рабы Твоя.

Песнь 5

Ирмос: Яко виде Исаия образно на престоле превознесена Бога, от ангел славы дориносима, о окаянный, вопиаше, аз: провидех бо воплощяема Бога, Света невечерня, и миром владычествующа.

Израсти жезл Иессеев цвет неувядаемый, Дева Мария Бога безначального, без семени, от Духа Божественного и Отца, царства державная языческая обладавшего, на Негоже языцы уповаша.

Князь мирный прииде на престол Давидов, царствуя из Тебе, Богородице, Бог воплощаемь. О чудо! И, брань разреши, потче¹ князи моавитския, и Тебе, рождшую, Царицу показа.

Слава: Непорочную Твою доброту, от неяже Христос в плоть облечется без семени, Дево, Исаия являя, зовет вопия: Господь славы грядет на облаце легце и, прелести тьму отгоняя, просветит нас.

И ныне: От Духа Свята зачавши Слово Единосущное Отцу, Дево, Сие родила еси во дву естестве суща, Бога совершенна и совершенна Человека: Егоже верою почитаем плотское явление.

Песнь 6

Ирмос: Бездна последняя грехов обыде мя, и исчезает дух мой: но прострый, Владыко, высокую Твою мышцу, яко Петра мя, Управителю, спаси.

Одр Тя песнями премудрый² преднапишет, Всепетая, на немже почи Бог воплощаемь во ипостаси из Тебе, и прослави Тя, несмешно раждаемь.

Бысть Слово яко избранная, Дево Всепетая, избранная одежда: яко порфиру Божественную, из Тебе плоть прием, воцарися, Боголепно одевяся.

Слава: Бысть соединения Божественного вместилище, Богоневесто, злата светлейши: Тобою бо бысть Бог яко Человек, и беседова человеком Бог, яко Человек.

И ныне: Умертви нечествующих в Тя, Дево Всепетая, злобы ересь: яко завистию тают, преславное Твоего образа видяще подобие.

¹ Пронзил, остановил.

² Соломон. Ср.: Песнь песней 3: 9-10.

Таже: Гóсподи помíлуй, *трижды*. Слава, и ныне

Седален, глас 3:

От теплоты́ véры вопио́у Ти, Богородице, недостóйными усты́ и сквѣрнымъ сѣрдцемъ: спаси́ мя, погруженнаго грехáми, ущѣдри умерщвленнаго отчаяниемъ, да зову́ Ти, спасае́мь: раду́йся, Дѣво, христиáномъ помóщнице.

Песнь 7

Ирмос: Прѣжде образу́ златóму, персидскому́ чтíлищу, óтроцы не поклонíшася, триѣ пою́ще посреде́ пѣщи: отцѣв Бóже, благословѣн еси́.

Купина́ и пла́мень сообра́зне совоку́плшеся, и нетлѣнна обо́я явльшеся, Тя, Дѣво, я́сно проявляю́т: и́бо родила́ еси́ Бóга, и дѣвствуеши.

Руно́ и росá Гедеóну во изменѣнии образу́ема, Рождество́ Твое́ предпíшут: Ты бо Еди́на Божѣственное Сло́во но́сиши во чрѣве, я́ко дождь, Дѣво Мáти.

Слава: Грехá моего́ огонь пáче геѣнскаго пла́мень мне содева́ет, сий угаси́, Чíстая, Твоею́ мíлостію, пока́йниемъ мя ко свѣту наставляю́щи.

И ныне: Твоего́ зра́ка явлѣние, Богородице Пречíстая, чту́ще я́ко пѣрвый о́браз, Тя застúпницу прíсно и покрóв благопреме́нен к Бóгу íмамы вси.

Песнь 8

Ирмос: Вавилóнская пещь óтроки не опали́, ниже́ Божества́ огонь Дѣву растли́. Тем со óтроки, вѣрнии, возопи́м: благослови́те, дела́ Господня́, Гóспода.

Тя Оте́ц изво́ли, Невѣсту неискусобра́чную, я́ко крин пресвѣтлый посреде́ тѣрния обрѣт, свѣтлостію добрóты блиста́ющую Дúхом Божѣственнымъ, Сыну в жили́ще.

Святѣйшую вы́шних сил Дѣву Пренепорóчную, без разсуждѣния сла́влю я́ве: Творца́ бо сих во чрѣве понесѣ, несмѣсным соединѣниемъ плоть приѣмша от Тебѣ.

Слава: Дѣвство некра́домо, Дѣво, сохрани́ши, Мáти явилася еси́ Сы́на Бóжия воистинну, Отца́ благово́лениемъ Невѣста бѣвши и при́ятелище сла́вы Дúха нетлѣнно.

И ныне: Иже естество́мъ невещѣственный Бог и невидимый, прóсто и неизречѣнно пáче естества́ ражда́ется Человѣ́к от Святы́я Дѣвы, сугубъ зрими́ во Еди́ной ипостáси, в нейже видíмь есть писáньми.

Песнь 9

Ирмос: Нóвое чúдо и Боголѣпное: девíческую́ бо дверь затворѣнную я́ве проходíт Господь, наг во вхо́де, и плотоно́сец яви́ся во исхо́де Бог, и пребывáет дверь затворѣна. Сію́ неизречѣнно я́ко Богомáтерь велича́ем.

Свята́го кóрене Свят плодъ: непло́дныя бо, освященныя за́кономъ Бóжиимъ óтчимъ, неувяда́емую жизнь соверша́ющую Богородица́ Отрокови́ца процветѣ́: и раду́ется Анна, приѣмши́ отроча́ в старóсти, Бóжию Мáтерь, Ю́же сла́вим.

Нóво Рождество́ и Боговídно Свята́го Твоего́ и Богоно́снаго чрѣва, Чíстая: в немъ бо написáся о́бразъ в Человѣ́ка Отчимъ пѣрстомъ, Сынъ вопло́щся Свят Дúхомъ Святы́м. Егóже несмѣсно я́ко Бóга и Человѣ́ка велича́ем.

Слава: Вопиѣ́тъ всякъ суд на мя: дела́ бо грехóвныхъ дея́ний вопль содева́ютъ мне претя́ще, и душа́ вся вѣсть, и́миже препрѣна́ бóдет, и трепѣщетъ пла́мене геѣнскаго: от негóже прѣжде концá молитвами́ Твоими́ изба́ви мя, Влады́чице.

И ныне: По Рождествѣ́ яви́ся нетлѣнна, Чíстая: неизмѣнно́ бо Зиждíтеля́ всехъ плóтию, Богородице́, родила́ еси́ Человѣ́ка пáче естества́, Отча́ Существо́ва не отстúпльша, и áбие пребы́сть Дѣва Дúхомъ Божѣственнымъ. Тѣмже сла́вяще Тя, песнь соверша́ем.

В НЕДЕЛЮ
Канон молебный ко Пресвятей Богородице

Песнь 1

Ирмос: Воды древле, манием Божественным, во едино сонмище совокупивый и разделивый море израильтеским людем, Сей Бог наш, препрославлен есть: Тому Единому поим, яко прославися.

Припев: Пресвятая Богородице, спаси нас.

Великоименитая Едина, Пресвятая Дево Марие, херувим славнейшая Давидова дщи и доброта Иаковля, Мати Бога нашего: возвеличися зело слава Твоя, и мы вси Тя верою славим.

Пропеншаго Словом небо яко кожу, Твоима рукама яко Человека носила еси: Сего убо моли неизменно, Чистая, страстей безсловесия душу мою избавити, и от всякия скорби.

Слава: Яже прежде всех век, пронареченная Дево, Царя славы порфира Пречистая: в нуже облелся в последняя времена, покры кожные ризы Адама праотца, и мене ныне покрый.

И ныне: Тлю творящий древле грех роду человеческому, Дево, Христа рождши, нестерпимый огонь изсушил еси: темже страстей потоки души моея изсуши Твоими молитвами.

Песнь 3

Ирмос: Иже от не сущих вся приведый, Словом созидаемая, совершаемая Духом, Вседержителю вышний, в любви Твоей утверди мене.

Иже огненным владычеством Владыка и Господь Твой Сын наречеса, Чистая: темже избави мя, Владычице, страстных работ Твоими молитвами.

От бури плотских страстей избави мя, раба Твоего, скоро, Пречистая, Тишину рождши спасения и Источник безстрастия.

Слава: Света незаходимаго светильник светозарен бывши, Пречистая, мир просветила еси: темже зарями Твоими души моея разори облак.

И ныне: Мертва мя суща душею, от множества злых страстей, оживотвори, Владычице, Яже рождшая живодавца Христа несказанно.

Песнь 4

Ирмос: Положил еси к нам твердую любовь, Господи, Единородного бо Твоего Сына за ны на смерть дал еси. Темже Ти зовем, благодаряще: слава силе Твоей, Господи.

Прииде на мя плотскаго мудрования брань, и пленяет мою душу: но Иже всяк ум преимуший Мир рождшая, Твой мир, Владычице, подаждь ми.

Миро умное из чрева источила еси миру: темже от скверн страстей душу мою свободи, и даждь ми, Пречистая, безстрастия миро Твоими молитвами.

Слава: Стамну Тя златую, жизни Манну носившую, Богомужнаго Христа, яве ведый молю: накорми душу мою, тающую гладом, и потоком напой Духа.

И ныне: Ева убо прежде неудержанно введе смерть: Ты же девством чистым истинную Жизнь ввела еси. Темже смерти мя греховныя избави Твоими молитвами.

Песнь 5

Ирмос: На земли невидимый явился еси и человеком волею сожил еси, Непостижимый, и к Тебе утренююще, воспеваем Тя, Человеколюбче.

Избавление нам быв Сын Твой, Дево, вся от тли избави: темже избави мя

плотскаго мудрования и страстей настояния.

Огнём Твоих молитв, Богородице, страстных помышлений терние все попали,
Яже клещá угля, человека очистившая.

Слава: Ты Божия еси Юница¹, нас ради пожрэннаго человеколóбно,
Божественнаго Юнца: Егóже Божественною кровию сердце моё очисти.

И ныне: Красную прежде стяжах добродетелей одéжду, еяже совлекóхся
лénостию моёю: Ты же, Дéво, ныне мя облещи в светлэйшу, Твоими молитвами.

Песнь 6

Ирмос: Бездна послéдня грехóв обыде мя, и исчезает дух мой: но прострýй, Владыко,
высокую Твою мышцу, яко Петра мя, Управителю, спаси.

Поколебáли храм души моея злóбы люта́я коварства: но яко утвердившаго зéмлю
на водах Христа рóждшая, Твоими молитвами утверди.

Разрешила еси долг земнорóдных, Бисера многоцэннаго рóждши. Тёмже
разреши, Пречистая, скорéе пленицы прегрешений моих, и страстей, и скорбей.

Слава: Дадé вёрным Тя прибéжище и Божественный покрóв, рождётся из ложесн
Твоих Бог преблагий. Тёмже, Пречистая, и менé покрый Твоима длáньма и соблюди.

И ныне: Волна́ми жития умоврédно аз, окаянный, чáсто погружа́емь и рабóтами
вражиими всегда́ обурева́емь, ныне зову́ Ти: Богородице, помози́ ми.

Таже: Гóсподи помилуй, *трижды.* Слава, и ныне

Седален, глас 3.

Подобен: Божественныя:

Божественная была еси сень Слóва, Едина Пречистая Дéво Мáти, чистотою
ангелы превозшédшая: пáче всех бывша мя осквернена́ плотскими прегрешениями,
очисти молитв Твоих Божественными водами, подаючи, Чистая, велию милость.

Песнь 7

Ирмос: Якоже дрéвле благочестивыя три óтроки оросил еси в пламени халдейстем,
свётлым Божества́ огнём и нас озари́, благословен еси, взывающий, Бóже отец наших.

Собóри лукавых бесóв обыдоша мя и плотстии сонми страстей: но яко крéпкого во
бранех Христа рóждшая, избáви мя чáстных печáлей и лю́тых нападаний.

Единýй херувимским существóм непристúпный и стра́шный ангельским чинóм,
вселися в Тя, Чистая, и нас обнови́: Имже покажи́ мя, Владычице, страшна
невидимым врагóм.

Слава: Рай словесен, Дéво, Ты была еси, прозябший Дрéво жизни: Егóже
причáщая, Адам смёртнаго плодá избáвися. Тёмже и менé ныне усладí и страстей
избáви вкушения.

И ныне: Кáла мя страстей телéснаго избáви и искушений бесóвских, Яже
Избáвителя рóждшая человеком, вы́шняго Селение и Храм освящён, Бóга отец
наших.

Песнь 8

Ирмос: Нестерпимому огню соединившися, Богочестия предстояще юноши, пламенем же
невреждени, Божественную песнь пояху: благословите, вся дела́ Господня, Гóспода и
превозносите во вся вéки.

¹ Юница – телица. Это имя в богослужебных текстах усваивается Богородице, ибо и Христос, как Жертва за наши грехи, иногда называется юнцом, т.е. тельцом.

Облаче свѣта, светѣла сотворшаго в мѣре вѣлія, дневное же и ночное, всяко помрачение разорѣ, Твоими зарями, всех страстей и прегрешений моих: и покажи мя Сына свѣта, Богородительнице.

С Небесѣ сошедшим Дождѣм во чрево Твое, Богородице, душу мою и сердце мое просвети и ороси: и пламень угаси страстей и скорбей, да Тя славлю тепло во вся вѣки.

Слава: Неизглаголанно, Чистая, Премудрость Божию, вся от не сущих Небесное и земное естество совокуплюшую, Ты родила еси, Еяже Слово даждь ми мудрость и разум, яко да воспую яже Божественное Твое Рождество.

И ныне: Ороситися, Владычице миру, Твоими молитвами души моей и телу, вопию и молюся: и болезней греховных и страстей злобы избавитися вскоре: Ты бо еси всех человеков исцеление.

Песнь 9

Ирмос: На Синайстей горѣ видя Тя в купинѣ Моисей, неопально Огнь Божества зачѣншую во чреве: Даниил же Тя виде гору несекому: жезл прозябший, Исаиа взываше, от корене Давидова.

Постав Христу боготкан явилася еси, от негоже одежду плоть Богоначальнейшу Духа проготова: облецы убо мене во одежду целомудрия, Чистая, Твоими молитвами.

Мысленный винограде, израстивший нам Грозд Божественный, от Негоже напаяемся водою нетления, источи моя души умиление и вино очищения, Твоими мольбами.

Слава: Чистый и святой чертоже, имже естеством Бог человеком уневести естество, молю Тя: совокупи мя Твоему Сыну и присвой Божественною жизнью, Твоими мольбами.

И ныне: Пажить тления человеческого существа, нетления Источника Христа рождши Дево, претворила еси: умертви ми убо опаляющее и бурное стремление страстей, Твоими мольбами.

В ПОНЕДЕЛЬНИК Канон Пресвятей Богородице

Песнь 1

Ирмос: Воды древле, манием Божественным, во едино сонмище совокупивый и разделивый море израильтеским людем, сей Бог наш, препрославлен есть: Тому Единому поим, яко прославися.

Припев: Пресвятая Богородице, спаси нас.

В лениности житие скончав, приближися к концу жития моего: но Самá, Пречистая, поне в последнее время, даждь ми умиление, молюся, яко да плачуся горько о безмерных моих прегрешениях.

Осквернив безумно, юже по образу, красоту страстими плоти моея, Дево, Божияго устрашися негодования и ужаснаго огненнаго прещения: но Самá помилуй мя, прибегающаго к Тебѣ

Слава: Колена преклонив, окаянный, Твою прошу помощь, Пресвятая Дево: но Ты услыши болящую душу илежащий облак печали моея разорѣ зарю Твоих молитв.

И ныне: Напойтиса богато слезами даждь браздам страстныя моея души и плод принести ми сториичный, Владычице, сподоби, и сердце мое всякаго веселия исполни, да славлю Тя.

Песнь 3

Ирмос: Иже от не сущих вся приведши, Словои созидаемая, совершаемая Духом, Вседержителю вышней, в любви Твоей утверди мене.

Слез тучу подаждь ми, Благая Богородице, и сими угаси страстей моих пещь, и всякия омий душевныя моя скверны.

В беззаконных оскверных благородие души, Пречистая, и трепещу истязания, егда истязет мя образа достояния Слово.

Слава: Буря прегрешений объемши мя ныне, во глубину отчаяния сведе: но даждь ми руку, Чистая, и на покаяние мя настави.

И ныне: Избави геенны и всякаго иного прещения в час суда раба Твоего, Пренепорочная, и причастника сотвори Сына и Бога Твоего Царствию.

Песнь 4

Ирмос: Положил еси к нам твердую любовь Господи, Единородного бо Твоего Сына за ны на смерть дал еси. Темже Ти зовем, благодаряще: слава силе Твоей, Господи.

Приидоша, Чистая, безместных дел воды до окаенныя моея души. Темже, помыслы брения одержимь, вопию с болезнию: не презри мене, Владычице, раба Твоего.

Зверие мысленни ныне немилостивно обыдоша мя, тщася восхитити нещадно смиренную мою душу, Всенепорочная: но сим, Пречистая, сокруши душеленныя челюсти.

Слава: Милостива буди Твоему рабу, Владычице, молюся, и чаемаго прещения люди Твоя исхити, Всечистая, да зовем Ти, благодаряще: слава Тебе, всех Царице.

И ныне: Егда в нощи Жених придет судити земли, тогда во сретение Его со светлою свещею благоволи, Пречистая, изыти ми и поклонитися Того пришествию.

Песнь 5

Ирмос: На земли невидимый явился еси, и человеком волею сожил еси, Непостижимый, и к Тебе утренююще, воспеваем Тя, Человеколюбче.

Пси мнози одержаша мя воистину, сонм лукавых духов обыде мя: но сих Пречистая, советы ныне разори.

Ров мне ныне лукавый изрыв, воврещи мя в онь покушается: но Твоею десницею, Владычице, да впадет в яму, юже сотвори.

Слава: Да не яростию Сына Твоего обличен буду во время пришествия Его, ни гневом Его накажуся, Всепетая: но спаси мя мольбами Твоими.

И ныне: Видь, Чистая, немощь, видь смирение окаенныя моея души, и безплотных враг востание: и сих вреда избави мя.

Песнь 6

Ирмос: Бездна последняя грехов обыде мя, и исчезает дух мой: но прострый Владыко высокоую Твою мышцу, яко Петра мя, Управителю, спаси.

Манием всех Зиждителя, егда хощет душа моя разлучитися от плоти, Всенепорочная, свободи мя руки ненавидящих мя, Богородице Всепетая.

Изуши мутныя реки, Богородительнице, лукавых моих деяний струями умиления, и направи к воде ослабы в день суда.

Слава: Веси мою немощь душевную и ума моего некрепость, Пречистая, и плоти неможение. Темже спаси раба Твоего: Ты бо стяжах заступницу непобедимую.

И ныне: Струи мне слез духовных подаждь, Отроковице, имиже измыю тину прегрешений моих и страстей молву, Пренепорочная, и скверны телесныя.

Таже: Гóсподи помíлуй, *трижды*, слава, и ныне

Седален, глас 3.

Подобен: Красоте девства:

Мíлостиваго во чрéве носíвшая, прибега́ющаго под кров Твой и прося́ща от души́ Божéственную Твою́ по́мощь, Влады́чице, ущéдри и мíлости сподóби, егда́ предста́нем Влады́це твáри, избáви, Чíстая, огнѧ вéчнаго и всѧкаго осуждéния.

Песнь 7

Ирмос: Прéжде образу златóму, персídскому чтíлищу, óтроцы не поклонíшася, триé пою́ще посреде́ пéщи: отцéв Бóже, благословéн есѧ.

Излия́шася на мя, Чíстая, прегрешéний вóды до души́ моея́, бéздна же обы́де мя послéдняя: но сегó изми́ треволнéния.

Окропí мя, Чíстая, крóвию из ребр Рождества́ Твоегó, мнóжеством мíлости Твоея́: омый же мя слéзными стру́ями и очíсти мя от всѧкия сквэрны.

Слава : Сокрушéние моéй души́, смирénие же сéрдцу даждь, Всечíстая, я́ко да всѧкаго избáвлюся коварства, прíсно мя нещáдно ловя́щих.

И ныне: Я́ко мíлостива, Мáти Бóжия, рабы́ Твоя́, Влады́чице, мíлости сподóби, и́же вéрою Сы́ну Твоему́ вопию́щия: отцéв Бóже, благословéн есѧ.

Песнь 8

Ирмос: Нестерпíмому огню́ соединíвшеся, Богочéстия предстоя́ще ю́ноши, пла́менем же невреждéни, Божéственную песнь поя́ху: благословíte, вся дела́ Господ́ня, Гóспода и превозносите́ во вся вéки.

Стрéлы стрельца́ сокруши́, Чíстая, державою́ Сы́на Твоегó, и сегó неправда ны́не да снíдет на верх егó, да воспю́ю: вся дела́ Господ́ня Гóспода пойте́ и превозносите́ Егó во вéки.

Свéтом Твоим́ озари́ Отрокови́це, омрачéнное моé сéрдце, и ору́жием свéта свéту двéри отвéрзи ми зову́щу: благословíte, вся дела́ Господ́ня, Гóспода, пойте́ и превозносите́ Егó во вéки.

Слава: Уснóв в смéрти, лежу́ во грóбе отча́яния, но Самá мя возста́ви, Дéво, и бодренно́ пéти сподóби: благословíte, вся дела́ Господ́ня, Гóспода, пойте́ и превозносите́ Егó во вéки.

И ныне: Не престáй, Чíстая, моля́щи о чтúщих Тя во умилéнии, избáвитися сетéй дя́вольских, Сы́ну Твоему́ вопию́щих: благословíte, вся дела́ Господ́ня, Гóспода, пойте́ и превозносите́ Егó во вéки.

Песнь 9

Ирмос: В закóне сéни и писаний́ образ вíдим, вéрнии: всяк мúжеский пол, ложесна́ разверзáя, свят Бóгу: тем перворождéнное Сло́во, Отца́ Безнача́льна, Сы́на первородя́щася Мáтерию неискусóмужно, велича́ем.

Обурева́ет страстéй волнéние и смущéние сквэрных помышлéний дúшу мою́, и лука́вых человек бúря прíсно мя смущáет: но я́ко человеколюбíва, Дéво, одержíмыя нúжды вскóре мя избáви.

Душé смирénная, отступи́ лука́вых твоих́ дея́ний и престáни от злóбы и éже прогнэ́вати Бóга, восприими́ же усéрдно заповеди́ Егó: Богороди́цу бо íмаши, путí твоя́ направля́ющую.

Слава: Я́ко рóждшая всех Гóспода, страстéй мя свободí и лю́тых грехóв, и всего́ мя дéлы благíми за мнóгое милосéрдие Твое́ обогатí: да ра́дуяся любóвию велича́ю Тя, Всенепорóчная.

И ныне: Приближается душе конец, при дверех судище, отступи дел студных и примиися за благое житие: имаши бо поборницу Богородицу, избавляющую тя от всякаго озлобления.

ВО ВТОРНИК Канон Пресвятей Богородице

Песнь 1

Ирмос: Воды древле, манием Божественным, во едино сонмище совокупивый и разделивый море израильтеским людем, сей Бог наш, препрославлен есть: Тому Единому поим, яко прославися.

Припев: Пресвятая Богородице, спаси нас.

Яко источник милосердия и милости ведый Тя, Божию Матерь, приступль молюся Твоей благодати, дати ми умиление, яко да сетую и плачуся прегрешений моих, Всечистая Владычице.

Душевных ми слез даждь каплю, омывающую скверну всю моих деяний и лукавая помышления, и очищающую души моея нечистоту, и церковь творящую мя Божия Духа.

Слава: Обуреваемь волною и треволением моих прегрешений, и люте всегда борца работами потопляемь, и во глубину погибели ныне: отпущен, вопию Ти, Пренепорочная: спаси мя.

И ныне: Милосердия ради милости, Владычице всех, помилуй окаянную мою душу и огня избави мя вечнующаго, и бесовскаго нападания, под кров Твой, Богородице ныне прибегающего.

Песнь 3

Ирмос: Иже от не сущих вся приведый, Словом созидаемая, совершаемая Духом, Вседержителю вышний, в любви Твоей утверди мене.

Светом Божественным озари, Всепетая, омраченный ум мой злыми помыслы: Ты бо Свет родила еси, возсиявший от Отца присносущный.

Запен души моей стопы, иже праведных враг, к земли прирази: но Твоею десницею, Владычице Чистая, возстави мя.

Слава: Мытаревыми гласы, окаянный аз зову Ти: очисти мя, Владычице, и прегрешений оставление, Твоею молитвою, подаждь рабу Твоему.

И ныне: Исцели язвы душевныя, и многоутное помышлений волнение, Владычице, утиши: и мирное ми устроение даждь.

Песнь 4

Ирмос: Положил еси к нам твердую любовь Господи, Единороднаго бо Твоего Сына за ны на смерть дал еси. Темже Ти зовем, благодаряще: слава силе Твоей, Господи.

Плоть сластми и сладострастием оскверних, и души моея чистоту скверными мыслями окалах, и ум помрачих, не презри убо, Владычице, раба Твоего.

Избавление ми буди, и прибежище и держава, рог же спасения, Чистая, и заступница, всякия мя скорби избавляющи всегда, и враги моя вся посрамляющи.

Слава: Многими напастями ныне одержимь есмь окаянный, и бесовскими коварствы присно погружаемь, прибегаю Ти ныне: теплою Твоею молитвою спаси мя, раба Твоего.

И ныне: Ночь мя несветла страстей одержит окаяннаго: но светом Твоим, Благая, души моея облаки разжени, и к свету настави повелений Божиих, Всенепорочная.

Песнь 5

Ирмос: Яко віде Исаіа образно на престоле превознесена Бóга, от áнгел славы дориносіма, о окаянный, вопіяше, аз: провідех бо воплощаема Бóга, Свѣта невечерня, и міром владычествующа.

Время живота моего яко дым исчезе, и к смертным дверем приближися, и ужасоюся бесовскаго нападания: дела бо тех деях всегда: Всенепорочная, ущедри и спаси мя.

Изушаючи, Дѣво, зол моих бездну, подаждь ми реки слез, и угаси весь страстей моих пламень, Отроковице, и сподоби избавитися огня и прочих мучений в день судный.

Слава: Болѣвшую душу мою грехи, Пречистая, исцели Твоим милованием, и сподоби мя творити во смирении Сына Твоего повеления присно, яко да восприиму Сего благодать.

И ныне: Овдовѣвшая, Сыне Мой, невестныя одежды, Божественная Церковь Твоя, от ребр Святыя крове одеяся. Аз же болѣзную, вся болѣзни Твоя зрящи на Кресте, яже Слова Мати рыдаючи глаголаше.

Песнь 6

Ирмос: Бездна послѣдняя грехов обыде мя, и исчезает дух мой: но прострый, Владыко, высокую Твою мышцу, яко Петра мя, Управителю, спаси.

Великое Тя Божий Сын грѣшником прибежище показа, воплощся, Богоневесто, от чистых кровей Твоих: темже милостива Твоим рабом буди.

Просвети зарю Твоею, Благая, омраченныя сердца моего очи помыслы неподобными: и свету сына сотвори, и в место светло мя всели.

Слава: Волны страстных помышлений всегда мя смущают, Пречистая, лукавых же духов буря погружает: но утверди мя на камени безстрастия.

И ныне: Уснух к смерти душевной, и во гробе лежу отчаяния: но даждь ми руку и воздвигни, молюся, к покаянию жизни наставляючи мя.

Таже: Господи помилуй, *трижды.* Слава, и ныне

Седален, глас 3:

Жезл силы стяжавшии, Крест Сына Твоего, Богородице, тем низлагаем врагов шатания, любвию Тя непрестанно величающе.

Песнь 7

Ирмос: Прѣжде образу златому, персидскому чтилищу, отроцы не поклонишася, трие поюще посреде пещи: отцев Бóже, благословен еси.

Крепостию препояши, Чистая, душу мою, изнемогшую грехи, и вопиюща Сыну Твоему спаси мя: отец наших Бóже, благословен еси.

Смертнаго часа убоявся, безсмертнаго ради и вечнаго мучения, Тебе припадаю: спаси мя, Отроковице, от сети ловящих, Богородительнице.

Слава: Яже невместимаго Бóга во чрево вместившая, многими прегрешении утесняемый ум мой, Богородице, свободи сих осуждения.

И ныне: Род человеческий Тя молит, Богородице: Владычице, помилуй рабы Твоя, верою Сыну Твоему вопиющия: отец наших Бóже, благословен еси.

Песнь 8

Ирмос: Нестерпимому огню соединившися, Богочестия предстояще юноши, пламенем же невреждени, Божественную песнь пояху: благословите, вся дела Господня, Господа и

превозносите во вся веки.

Позавидев блудному воистину, и житие мое все скончав во гресех, ныне зову: согреших Ти, сотвори мя, Отроковице, яко единого от наемник Сына и Зиждителя Твоего, да Тя славлю во вся веки.

Наполнися зол душа моя, и применен бых со всеми, в ров низходящими: но Ты мя, Богородице Дево, изведи из ямы страстных, и от брания тименна зол моих.

Слава: Молися Христу, рождающая Сего от святых Твоих чресл, Богородице, многих ми прегрешений дати прощение, да пою: вся дела Господня, Господа пойте, и превозносите Его во веки.

И ныне: Егда Божиим повелением хочет душа моя от жития сего отыти, от сети ловящих исхити, Пречистая, Тебе вопиющих: вся дела Господня, Господа пойте и превозносите Его во веки.

Песнь 9

Ирмос: В законе сени и писаний образ видим, вернии: всяк мужеский пол, ложесна разверзая, свят Богу: тем перворожденное Слово, Отца Безначальна, Сына первородящая Материю неискусомужно, величаем.

Род человеческий Всенепорочная, Твоею непобедимую молитвою ныне обогащая, вопиет день и ночь: не преставай всегда молящаяся Творцу и Сыну Твоему, ущедрити поющая Тя.

Стрелы страстей безместных душу мою уязвиша бесовскими прилоги, сопротивными стрелами помышлений всегда ум мой смущают: темже исцели, Отроковице, неисцельныя моя язвы.

Слава: Отыми, Чистая Богоневесто, от мене борющихся враг раны вскоре, востания бо тех и многого лукавства, и наглости ктому не терплю, окаянный: но потщися избавити мя.

И ныне: Ты немощие веси смиренного моего телесе, язвы души моея, сердца моего стенание и ума моего заблуждение и прелести: темже Твоим милосердием обоюду даждь исцеление.

В СРЕДУ

Канон молебный к Пресвятей Богородице

Песнь 1

Ирмос: Воды древле, манием Божественным, во едино сонмище совокупивши и разделивый море израильтеским людем, Сей Бог наш, препрославлен есть: Тому Единому поим, яко прославися.

Припев: Пресвятая Богородице, спаси нас.

Стенание ми убо подаждь, Богородице, сокрушенное, и слезу душевную, яко да моих многих прегрешений плачуся и совести неисправления, Отроковице, и умолю милосердие Твое.

Помыслы поползаяся, и впадая в бездну погибели, Твое, Дево, ныне молю заступление: утверди непоколебимо немощие ума моего на камени твердем Божиих заповедей.

Слава: Смоковницу ношу бесплодия и боюсь посечения и при, да не во огонь пошлет мя Зиждитель мой Бог. Владычице, предваривши, покаяния мя дела плодотворна сотвори, да славлю Тя.

И ныне: Яко непорочен Храм Царев, страстными безместными оскверненное сердце мое, молюся, очисти, Пречистая, целомудрием же и чистым житием, и дела обогати, Богоблагодатная.

Песнь 3

Ирмос: Иже от не сущих вся приведый, Словом созидаемая, совершаемая Духом, Вседержителю вышний, в любви Твоей утверди мене.

Борующий и оскорбляющий мя мнози суть, и несть ослабы обрести избавления от обидевших мя: но не презри, Чистая, моления моего.

Отягчен множеством злых и многими прегрешения моими, к высоте небесней возрети не могу, но Ты оставление ми подаждь, Пречистая.

Слава: Расторгнути смиренную мою душу змий лукавый по вся дни покушается: но сему сокруши, Богородице, душеленныя зубы.

И ныне: Избави мя, Богородице, всякия одержавшия беды и греховныя буре, раба Твоего: и к спасительному мя пристанищу направи Твоими молитвами.

Песнь 4

Ирмос: Положил еси к нам твердую любовь, Господи, Единородного бо Твоего Сына за ны на смерть дал еси. Темже Ти зовем, благодаряще: слава силе Твоей, Господи.

Трепещу, помышляя грехов моих пучину и сопротивных помышлений лютое и великое волнение: но Ты окорми и к тишине направи мя, Пречистая.

Недоведение тяжкое душу мою ныне постиже, неразумие и забвение злых, яже в житий содеях: но Ты убо, Пречистая, на покаяние содеянных мною наведи мя.

Слава: Огнь страстей слезными струями угаси, и удавляющее мой ум житейское треволение, и тернии попали огнем Духа, Богородительнице: Ты бо покров ми еси и похвала.

И ныне: Молвою напастей и треволений весь потопляемь есмь лукавыми помыслы, и во глубину отчаяния присно низвлекомь, вопию Ти: Владычице, спаси мя, раба Твоего.

Песнь 5

Ирмос: Яко виде Исаия образно на престоле превознесена Бога, от ангел славы дориносима, о окаянный, вопияше, аз: провидех бо воплощяема Бога, Света невечерня, и миром владычествующа.

Души моея болезни и плоти неможение веси, Владычице, и ума моего гнилость и непостоятельное. Темже сподоби мя милости и благодати Твоея, да Тя славлю, спасаемь кровом Твоим.

Не затвори ми милосердия щедрот Твоих, Владычице Всенепорочная: но во умилении приходящему к Тебе подаждь Твоя милости, и лютых пременение и прощение, яко да благодарно пою величия Твоя.

Слава: Умножишася, Дево, ненавидящии мя все и оскорбляющии ныне, паче влас главы моея, Чистая, ищущи расторгнути, и снедь сотворити себе: сих убо, студа исполни, возврати.

И ныне: Яже миру мир и спасение всем подавшая, яко Божественный Мир породивши, Дево, брань страстей души моея и тела, Чистая, умири страхом и любовью Спаса Христа.

Песнь 6

Ирмос: Бездна последняя грехов обыде мя, и исчезает дух мой: но прострый Владыко высокою Твою мышцу, яко Петра мя, Управителю, спаси.

В деле и слове, и деянии несть зле поживша на земли, якоже аз: темже Твоего прошу, Владычице, человеколюбия улучшить милости.

Деяния злых прегрешений печали раждают всем, темже горькими напастями одержими есмь ныне: помози нам, Яже Единая христианом спасение.

Слава: И раждаеши, и чиста по Рождестве явилася еси, Богородице Дево. Темже моли Твое Рождество присно, да избавимся от всякаго вреда вражия Твои раби.

И ныне: Молитвами пречистыя Матере Твоея, и всех пророк и мученик, и священннх ученик, Слове Божий, подаждь нам мир и очищение прегрешений.

Таже: Господи помилуй, *трижды.* Слава, и ныне

Седален, глас 3:

Все житие мое в лености мнозе преидох, Пречистая, и ныне приближися ко исходу моего времени, и устрашихся от врагов моих, да не расторгнут душу мою, Всенепорочная, и в погибели мя глубину отпустят: но ущедри раба Твоего, Дево, и избави мя сих озлобления.

Песнь 7

Ирмос: Якоже древле благочестивыя три отроки оросил еси в пламени халдейстем, светлым Божества огнем и нас озари, благословен еси, взывающия, Боже отец наших.

Тебе, Матерь Божию Чистую и Непорочную, оскверненный телом и душею и окаленный деяньми нечистыми, молю, Владычице, надеяся на милость Твою: ущедри мя, Пречистая.

Прегрешений моих множество и злых испытание, недоумением мя препирает зело, и во отчаяния влечет мя глубину: но Ты, Пречистая Владычице, спаси мя погибающего и люте потопляема.

Слава: Множеством щедрот Твоея благодати, грехов наших множество презри, Блаже, и благопременен буди немолчно зовущим: благословен еси, Господи Боже отец наших.

И ныне: От брения страстей и глубины скорбей, и напастей житейских привлещи нас к безстрастию, Чистая, и радостному веселию, Благословенная, зовущих: Ты еси Единая Богоблагодатная.

Песнь 8

Ирмос: Вещественнаго огня пламень невещественным увядиша Богозрими отроцы и пояху: благословите, вся дела Господня, Господа.

Сластей горесть чувства вся телесная прошедши, душу мою безместно окаляет и в смерть влечет: Владычице мира, буди ми спасение.

На Тя душу и сердце, и тело возложих: не имам бо инья надежды, разве Тебе, Владычице, еюже получу милости. Темже ми подаждь богатую Твою милость и благодать.

Слава: Змий мя ядом приползнув, плотскою сластью окаянную душу мою люте умори: но оживи сию сопротивными лечбами, Чистая, Твоими молитвами.

И ныне: Яже Бога и Спаса рождающая, Мироначала, Того моли мир мирови послати вскоре, яко да в мире Того славословим.

Песнь 9

Ирмос: Тебе Неопалимую Купину, и Святую Деву, Матерь Света, и Богородицу, надежду всех нас величаем.

Скверну страстных помышлений моего ума очисти, Чистая, в безстрастия ризу светлую одевающи мя.

Отверзи ми, Дево, Божественныя входы покаяния, входы страстей и сластей моих заграждающи и возвращающи силою Твоею.

Слава: Услыши глас стенания моего и глас плача моего, и подаждь очищение и

спасение окайнной моей души, Дево Всенепорочная.

И ныне: Виде Даниил пророк Твое Рождество, Дево, виде реснотивно¹ воистинну, иже на престоле виде Егоже деньми Ветхаго возгласи.

В ЧЕТВЕРТОК Канон Пресвятей Богородице

Песнь 1

Ирмос: Воды древле, манием Божественным, во едино сонмище совокупивый и разделивый море израильтеским людем, Сей Бог наш, препрославлен есть: Тому Единому поим, яко прославися.

Припев: Пресвятая Богородице, спаси нас.

Присенную Тя гору, юже провиде Духом Аввакум пророк, молю, Пречистая, осенити мя, страстьми озноеннаго, и от сени смертных лютых бед избавитися.

Окроплением Божественных крове, излианных от Божественных ребр, Чистая, Сына Твоего, моего сердца омый раны, яко да величаю Тя и по долгу славлю, Присноблаженную и Пренепорочную.

Слава: Равнодетельное Отцу родила еси Слово, обожившее человеков существо: Того моли недоуменнаго мя и изнемогшаго вражими коварствы Божественных утехи сподобити, Чистая.

И ныне: Очищение ми подаждь прегрешений Божественными Твоими молитвами, Дево, сильную бо имаши молитву, Владычице: и Тебе поющая избави от прегрешений и страстей, и скорбей, и обстояния.

Песнь 3

Ирмос: Иже от не сущих вся приведый, Словом созидаемая, совершаемая Духом, Вседержителю вышний, в любви Твоей утверди мене.

В милости Неизреченнаго и в щедротах суща Богатаго, милостива сущи, Пречистая, помолити ущедрити ны озлобленныя.

Храм сущи всяческих Творца, помолися вселитися в мя Утешителю, бывша мя вертеп душетленных разбойников, Чистая Дево.

Слава: Манием вся носящаго Божески, на руку яко носила еси, Богородице, призри на мя и избави мя, еже к страстем зрения неподобнаго.

И ныне: Милосердие милости Твоея, молю, отверзи ми, Богородице Пречистая, и теплая ми явися в напастех помощница и спасение.

Песнь 4

Ирмос: Положил еси к нам твердую любовь, Господи, Единороднаго бо Твоего Сына за ны на смерть дал еси. Темже Ти зовем, благодаряще: слава силе Твоей, Господи.

Раны, Христе, и заколение, волею яко Бог претерпевый, ураненную мою душу разбойми бесовских озлоблений молитвами Тебе Родшия исцели, Единое многомилостиве.

Дело Твоею руку, Зиждителю есмь и творение: злоба же змиина сластьми жития сокруши мя. Темже, Христе, обнови мя, Тебе Родшия, Слове, мольбами.

Слава: Слово Отчее паче слова родила еси, решащее всякаго безсловесия человеки: Егоже прилежно моли безсловесными мя сластьми порабощенна свободити, Единая Приснодево.

¹ Реснотивно – истинно: пророк Даниил, который видел Седящего на престоле, поистине видел и истинное Рождество Богородицы.

И ныне: Исцеление нам от длани точиши всегда, Всеосвященная сене, вся света сущи исполнена, всем источаючи миро благовонно, Всечистая Богоневесто.

Песнь 5

Ирмос: Яко виде Исаия образно на престоле превознесена Бога, от ангел славы дориносима, о окаянный, вопияше, аз: провидех бо воплощаема Бога, Света невечерня, и миром владычествующа.

Плоти моя болезни, и душевную ми печаль претвори и уныния облаки отжени, Дево, Света облаче, и здравие и болезней пременение даждь ми поющему и любовью Тя славящему.

Тя ходатаицу и молитвенницу ко из Тебе Рождшемуся ныне предлагаю, всякого греха исполнен сый: Дево, буди ми жития исправление и наставница к стези Божественного Разума.

Слава: Освети ум мой, Дево, и душу просвети, и Божественная славы причастника сотвори: се бо зол наполнихся, и всякими поработихся сластми, и осквернену приношу совесть.

И ныне: Виноград Божественный, Яже красный Грозд возрастившая, Иже душам дающий питие независтное: Дево Святая Отроковице, Ты мя напои сладости Его и сластей пьянство отыми, и спаси мя.

Песнь 6

Ирмос: Иже в концы веков дошедшия, Человеколюбче, и треволнеными напастей погибнути бедствующия, вопиющия не презри: спаси, Спасе, якоже спасл еси от зверя пророка.

Фарисея, вознесеннаго умом, превзыдох, возношаемь присно, и пропастем соединихся безмерных прегрешений: смирившася люте, Единая Чистая, избави и ущедри мя.

Иже пречудное Зачатие имевши и Рождество, Твоя милости на мне окаянем ныне удиви: ибо в беззаконных зачахся, и родиhsя, и сластми поработихся.

Слава: Рыдаю и плачу, и стению, егда судище страшное воспомяну, лукавая бо дела стяжах: но Ты ми, неискусомужная Дево, Мати Божия, в час страшный предстани.

И ныне: Разумети и глаголати не может всяк ум, Дево Чистая, содеянное на Тебе чудо странное и преславное: како родила еси, и пребываеши паки чиста? Бог есть Рождейся по Существу.

Таже: Господи помилуй, *трижды.* Слава, и ныне

Седален, глас 3:

Неискусобрачная Чистая Мати Твоя, Христэ, зрящи Тя мертва, повешена на Древе, матерски рыдаючи, глаголаше: что Ти воздаде еврейский беззаконный собор и безблагодатный, иже многих и великих Твоих даров насладивыйся, Сыне Мой? Пою Твое Божественное снигие.

Песнь 7

Ирмос: Три отроцы в пещи Троицу прообразивше, прещение огненное попраша, и поюще вопияху: благословен еси Боже отец наших.

От дел спасения несть ми, Владычице, грехи бо прилагаю ко грехом и к злобе злобу: молитвою убо Твоею Чистая, предвари и спаси мя.

Суд при дверех, и судище готово, готовися, смиренная душе, и возопий: егда

судиши ми, Сло́ве, не осуди мене́, моли́твами Ро́ждшия Тя.

Слава: Объём грехо́вныя плоды́, умертви́хся, и приноша́ю ду́шу непло́дну, и зову́ Ти, Пречи́стая: плодоно́сна мя покажи́, Яже Плодо́м Твои́м тлю потрёбля́шая.

И ны́не: О страна́го та́инства! О ужа́снаго ра́зума! Ка́ко Бог на землѣ яви́ся я́ко челове́к? Я́ко вестъ, я́ко хо́щет, я́ко благоволи́т, и де́йствует, я́коже и хо́щет.

Песнь 8

Ирмос: Нестерпи́мому огню́ соединивше́ся, Богоче́стия предсто́яще ю́ноши, пла́менем же невреждѣ́ни, Божество́нную песнь по́яху: благослови́те, вся дела́ Господ́ня, Го́спода и превозноси́те во вся ве́ки.

Вся я́ко до́бра, я́ко бли́жняя всех Царю́ бы́вши, Богороди́це, напо́лни мя благо́их дел, в зло́бе поживша́го и в ле́ности все жити́е сконча́вшаго, я́ко да Тя сла́влю во вся ве́ки.

Ки́товы утробы́, я́коже изба́вил еси́ дре́вле проро́ка пресла́вно, Бо́жий Сло́ве: та́ко изба́ви, Спа́се, ны́не ду́шу мою́, попо́лзшуюся во глубину́ поги́бели, имѣ́я моля́щую Тя неискусобра́чно ро́ждшую Тя Де́ву.

Слава: Кра́сною оде́ждою облече́на обрѣ́тше мя зло́бы де́латели, и се́я совлеко́ша мя: но Сама́ мя, Богороди́тельнице Де́во, Божество́нными оде́ждами уясни́ пока́нием, моли́твами Твои́ми, Богороди́це.

И ны́не: Егóже трепещетъ вся́ко создáние, Сего́, Чи́стая, на руку́ имѣ́ла еси́, за милосе́рдие нас ра́ди Младенца́ бы́вша, Сего́ моли́ спасти́ вся ве́рою зову́щия: Тя превозно́сим, Пречи́стая, во вся ве́ки.

Песнь 9

Ирмос: В Зако́не сѣни и Писáний о́браз ви́дим, ве́рнии: всяк му́жеский пол, ложесна́ развреза́я, свят Бо́гу: тем перворо́жденное Сло́во, Отца́ Безнача́льна, Сы́на первородя́щася Ма́терию неискусому́жно, велича́ем.

Истлѣ́вша умóм и ду́шею и со́весть зло́бою оскверни́вша, и на́га всех благо́их явля́шагося, Де́во нетлѣ́нная, непоро́чная, не прѣзри мене́, но де́лы благоче́стия украси́.

Напо́лнихся зол, напо́лнихся помышлѣ́ний, отчужда́ющих мя от Тебе́ Человеколю́бца, сего́ ра́ди стени́ю и вопи́ю: ка́ющася приими́ мя и не отри́ни мене́ Тебе́ Ро́ждшия мольба́ми, Благода́телю многомилостиве́.

Слава: Да изба́влюся Твои́ми моли́твами, Всенепоро́чная Отрокови́це, от вся́каго гнѣ́ва и страсте́й смертоно́сных лю́таго ге́енскаго огня́, от челове́к непра́ведных и от враг злых, прибе́гий в кров Тво́ю и зови́й Тя на по́мощь.

И ны́не: Красну́ ду́шею, красну́ помышлѣ́ньми, красну́ тѣлом обрѣ́т Тя Прекра́сный, от чресл Твои́х девических воплоти́ся, я́коже вестъ, безобра́зие на́ше украша́я, Де́во, Егóже моли́ спастис́я нам.

В ПЯТОК

Канон Пресвятей Богородице

Песнь 1

Ирмос: Во́ды дре́вле, ма́нием Божество́нным, во еди́но со́нмище совокупи́вый и раздели́вый мо́ре израи́льтеским лю́дем, Сей Бог наш, препросла́влен есть: Тому́ Еди́ному по́йм, я́ко просла́вился.

Припев: Пресвята́я Богороди́це, спаси́ нас.

Спасе́нию Нача́льника и Жизнода́вца ро́ждшая па́че смы́сла всего́, соу́з разреши́ла еси́ осужде́ния Евы́ прамáтере. Те́мже тварь́ вся блажи́т Тя,

Богородительнице Чистая.

Озлбленнаго лютыми болѣзньми, душею и телом, Пресвятая Дѣво, исхити от глубины нечаяния, всех нуждных избавляючи мя: Ты бо еси, Пречистая, милосердия источник.

Слава: Совлекохся одежды веселия, в скорбь впад и болѣзнь, и люте уязвихся отвсюду: предвари и избави мя от одержащия прелести: Ты бо ми еси, Владычице, прибежище и надежда.

И ныне: Предстательницу Тя тверду стяжав, Богоневесто, ко Твоему покрову притекаю, моляся: не презри мя, Твоего раба, многими страстьми и болѣзньми и скорбьми отягчена, но молитвами Твоими исцели, Мати Божия.

Песнь 3

Ирмос: Иже от не сущих вся приведый, Словом созидаемая, совершаемая Духом, Вседержителю вышний, в любви Твоей утверди мене.

В недоумении и скорби болѣзненне есмь, окаянный, во след себе смерть зря: темже, Пречистая, Твоею молитвою спаси мя.

Все житие, растрѣнно злыми и блудными деянии, клеветет на мя и отчаянием мя погружает: Чистая, спаси мя.

Слава: Щедрот Твоих бездна, всюду проливаема, Владычице, Единыя ради благодсти, во елѣи мастите умащает всех присно Тя поющих.

И ныне: Яко от начала Тя естества нашего прием, Богоневесто, Сын Твой и Господь, совокупляет молитвами Твоими Тебе поющия.

Песнь 4

Ирмос: Положил еси к нам твердую любовь, Господи, Единороднаго бо Твоего Сына за ны на смерть дал еси. Темже Ти зовем, благодаряще: слава силе Твоей, Господи.

Всю на Тя надежду положих, Владычице, молюся и припадаю от души: смертоносныя избави болѣзни, возводящи мя к жизни спасения, Яже Жизнь рождающая.

Исцели мя, Чистая, молитвами Твоими, отчаяннаго раба Твоего подобием лютых и растрѣнных ран: Врача бо родила еси, в милости богатаго Бога нашего.

Слава: В страсти лютыя впадшаго мя избави, и веселия одежду посещением Твоим Божественным подаждь ми, яже преимуществую всяк ум Радость Дѣво, прорастившая.

И ныне: Другое Небо, Богородице, явилася еси, Солнце правды несказанно на земли, Чистая, возсиявшая: Имже нам возсия Богоразумия свет присносущный.

Песнь 5

Ирмос: К Тебе утренюю всех Творцу, преимуществу всяк ум миру: зане свет повеления Твоя, в нихже настави мя.

Мертвость творящий и страсти приближихся, от моих безмерных грехов: Мати Божия, Тя избавление многих злых моих быти, молю прилежно.

Душевнии мои рuce простираю к Тебе, Чистая, плотскими бо разслабех окаянный: но Ты от многих ран избави мя, подаючи исцеление.

Слава: Совлекохся здравья одежды, и плачевную ризу в болѣзнях облек: Тебе молюся, Владычице, облецы мя во здравие.

И ныне: Яко мучеников и апостолов священное сущи благолепие, Богородице, и верных заступление, вси достойно Тя славим.

Песнь 6

Ирмос: Возведи́ от гли мя, Го́споди Бо́же мой, Ио́на вопи́яше. И аз вопи́ю Ти: из глубины́ изба́ви мя, Спа́се, мно́гих мои́х зол, и к све́ту Твоему́, молю́ся, наста́ви.

Напряже́ на мя мно́жество боле́зней от мои́х безме́рных согреше́ний тлетво́рный, и умерщвле́нием мя обложи́ша: но Ты Сама́, Богороди́це, от сих мя изба́ви и вся́кия ну́жды исхити́.

Вве́ржен бых во глубину́ прегреше́ний и боле́зней, и скорбе́й безме́рных, и в сих ны́не отню́д подавляю́ся: но Ты, Богороди́тельнице, просте́рши ру́ку, ко спасе́нию возведи́ мя.

Слава: Ты основа́ние твёрдое вем, Богороди́це, и держа́вную по́мощь су́щим в ско́рби: те́мже к Твоему́ покрову́ прибег, молю́ Тя: от лю́тых бед изба́ви мя и от тяжких боле́зней.

И ны́не: Бразду́, Божество́нный Клас прора́стшую, Имже ве́рных сердца́ пита́ются ве́рою, и мы́сленный глад преста́, Бо́жий Ковчег воспо́им, я́ко Де́ву Богома́терь.

Таже: Го́споди поми́луй, *трижды*. Слава, и ны́не

Седален, глас 3:

Божество́ннаго Естества́ не отлучи́ся, плоть быв во чре́ве Твое́м: но Бог вочелове́чился и пребы́сть, Иже по Рождестве́ Ма́терь Тя Де́ву, я́ко пре́жде Рождества́ сохрани́в Всенепоро́чну Еди́н Госпо́дь: Того́ приле́жно моли́ дарова́ти нам ве́лию ми́лость.

Песнь 7

Ирмос: Якоже дре́вле благочестивы́я три о́троки ороси́л еси́ в пла́мени халдейстем, све́тлым Божества́ огнём и нас озари́, благословён еси́, взыва́ющая, Бо́же оте́ц на́ших.

Умилосе́рдися на мя Де́во Богоневе́сто, во отча́яния глубину́ попо́лзлася: Тебе́ тишину́ бы́ти ми, молю́, Пречи́стая, спасе́ний бо еси́ пристани́ще су́щим в ну́ждах при́сно.

Неизглаго́ланно па́че ума́ Му́дрость и Си́лу Бо́жию родила́ еси́, Христа́: те́мже си́льна в ми́лости и ще́дра су́щи, даждь ми спаси́тельныя цельбы́ Твоя́ Богороди́це, наде́ждо ве́рных.

Слава: Обога́тивши Божество́нным Рождество́м концы́, нетле́ния сла́достью от тлетво́рных мя боле́зни и го́рьких страсте́й свободи́ и спасе́ние пода́ждь, Бо́жия Ма́ти пресла́вная.

И ны́не: Иже дверь Ты та́йную Себе́ предложив, и засту́пницу дивную су́щим на земли́, Тобо́ю, Чи́стая, дверь подаде́ челове́ком, в ве́чную жизнь всех вводя́щу, я́ко щедр и всех Бог.

Песнь 8

Ирмос: Вавило́нская печь о́троки не опали́, ниже́ Божества́ огонь Де́ву растли́. Тем со о́троки, ве́рнии, возопи́м: благослови́те, дела́ Госпо́дня, Го́спода.

Прегреше́ний неизче́тную пучи́ну стяжа́в, ны́не соудавляю́ся, Чи́стая, в боле́знях погружа́емы. Те́мже ми ру́ку по́мощи просте́рши, из глубины́ боле́зней возведи́, молю́ся.

Престо́л Бо́гу земле́нный, Дверь же Небе́сная яви́лася еси́, Присноде́во Чи́стая, Богороди́це Всепе́тая. Те́мже ми спасе́ния дверь отве́рзи, Богома́ти, и тьмы страсте́й свободи́.

Слава: Я́ко виногра́д возрасти́ла еси́, Грозд невозде́лан, Чи́стая, вино́ источа́ющ

душам, веселящее верно поющих Его, Всенепорочная.

И ныне: Яже по Рождестве негленна пребывши, Всенепорочная, молимся, Чистая, избави от тли рабы Твоя, верно поющих единомышлением души: благословите, вся дела, Господа и превозносите Его во веки.

Песнь 9

Ирмос: На Синайстей горé видя Тя в купинé Моисей, неопально Огнь Божества заченшую во чреве: Даниил же Тя виде гóру несекóмую: жезл прозябший, Исаиа взываше, от корене Давидова.

О Дéво Благáя! О мiра радосте и прибежище! О хранилище верных и избавление скорбей! Ты предстани ми в час смерти и избави от бесов, ищущих растлiti мя.

Яко Зиждителя и Бóга зачeнши во утробе, Дéво Мати Чистая, силою яже в Тебé низложи бесов шатания, и вознеси рог поющих державу Твою Божественную, и верно поклоняющихся образу Твоему.

Слава: Новосодéлав наше естество, Иже от Тебé воплощeйся, Дéво Чистая, нóво дéлает и обновляет, Матернею Твоею молитвою, светлую и бóдрую заступницу и сущую Богородицу в пeснях непрестанно Тя величающих.

И ныне: Ты ангелов радость, Ты праведников доброта, Ты верных надежда, Ты соблюдение наше: Ты мост, иже к жизни несостарeющейся преводящий верою и любовью Тя величающия.